





Doctor Peters

Wird von Ysmi ~~W~~redlicher bericht /
von der newen erstanden Franckheyt
die schweyßsucht genant. An ein
Ersamen rath vnd gemeyn
der löblichen statt
Domb

Matth. 3

Bessert euch daß das reich Gottes nahet sich.

1 5 2 9.

Ersamen/ fürsichtigen vnd weysen
diser löbliche des heylige Reichs
stat Wormbs Stetmeyster / Bur
germeyster Rat vnd gemeynd /
Grosz günstige gepietede Herrn
vnd freunde/ so in yetzt erstanden
grausamen vn bekanten newen Franckeyt (die mā
die schweyßsucht oder Engelosische Franckheyt
nennet) damit der allmechtig/ ewig/ barmherzig
gütig Gott / vnsern vn glaubē / vnd sündlichs les
ben heym süchet/ darinnen vil menschē leyder wie
vnleugbar am tag befintlich/ über die massen be
schwerdt vnd jämlich verfaumpt werden / die
sich vermeynen von dem Klüderländischen außge
gangnē Regiment vmb ein harbreyt vō dē büch
stab nit abzūweichen/ der menschen gelegenheyt /
daß die nit eyner natur / complexion vnd sterck
seind/ wenig betrachten. Darumb sie dann in sol
cher vnleidlicher hirtz vmb lenge der zeit vñ grosz
amacht offtmal verfahren.

Demnach dieweil ich diser zeit in ewrer stat
besoldung vnd dienst / erkenne mich den ewern
(wie dan auch iedermeniglich / auß Christlicher
trew) schuldig/ meines geringen vermögens / vñ
souil mir Gott der almechtig verlyhen / solichen
gemeynen beschwerden/ zütrost der armē / mit ey
ner fleynen vnterweisungē / wie ich dann alhie
durch erfarenheyt vnd practick bewert/ zū hilff
kōmen/ darauß dann leichtlich zu vernemen/ daß

ye so starck auff den büchstaben des schweyßes
der xxiij. stunden nit gehalten ist/ dieweil ich ye
ir vil (durch gnaden des obersten) schir als in als
len stunden/ der vierdten/ sechsten / eylfften/ vnd
der gleichen/ auffgehaben.

Vor allem sey aber iedermeniglich trewlich er
manet / daß er auß ganz seinem hertzen gen hym
mel görtliche gnad zu erlangen hinkere / von sei
nen sünden abweich/ söliches auch von der ober
keyt / vnd sündlerlich außschreien des wort Gots
tes angehalte werde/ wirt vngezweiffelt d ewig
Gott als eyn gürtiger vatter gnediglich sölich vñ
mer straffen so creyget / von vns abferen.

Dañ söliche newe plage zu sündlerlicher erma
nung eyns büßfertigen lebens/ vñ oben dem vat
ter des liechts zügesandt/ vmb straff vnser vñ
glaubens/ wie dañ der geyst der warheydt fürhin
bezeuget / vnter andern zeychen die do den tag
des Herrn fürlauffen werden / daß da größser
angst vnd verzagung auff der erdē entsteht / daß
auch die leut auß forchten vnd erschrecken / ver
doren werden.

Nun ist dise krankheyt wol ein verdorrung in
sölichem schweyß brennen vnd außbrorē/ der glei
chen bey den ärzten nirgent erfaren / vnd söliches
am meysten auß angst/ schrecken vnd forcht (wie
die erfahrung ein yeden lernet) anstossset / daß wol

dise fräckheyt solich zeychē des Herrn sein magt
dauon Lucas der Euangelist geredt hat.

Ich wil aber hiemit die ordenlich geschaffne
ursach/der auch Gott in seinen hendeln zū seinen
gerichten gebraucht/mit mit verworffen haben/
also/das dise newe franckheyt/ auß vergangner
außlauffung viler wasser/ vnd feuchtigem jar/
darauß vilfaltige dempff mit verfeulung / auch
enzündung der luftt entstanden/ den menschen
fürter belestigē/ derhalben auch ein grössers/ kün
sttrigs jars noch zūbesorgen.

Hierumb nit vnützlich / zūuorkömung vnd
preseruation/die ding so für vergifftige lufft vñ
pestilenzische leuff/mit lufft/schlaffen/bewegüg
speisen/gedrenck/zorn/artzneien vnd der gleichē
geradten/auch hie in diser franckheyt zūgebrau
chen/die dann wißentlich/vnd in voriger pestis
lengz von mir gnügsam angezeygt / hie vmb der
fürtz vnterlassen bliben.

So nun aber eyns mit diser vnbekanten plas
ge vnd göttlicher rüten behafft / daß zum teyl
durch felt vnd zenflappern gleich einem fiber/zū
zeiten mit grosser hitz/ doch alles mit angst vnd
amacht/etliche im schlaff/an der arbeyt / auff der
gassen/vnd sunst andern orten ankompft / Ist zū
rathen/so er aufferhalb dem bett/darin gebracht/
auch fürderlich vor allem anblasen der winden

vñ eufferlichem lufft verhüt werde / doch das nie
so nödtig ye in jren kleydungen bleiben müßens
sonder vil nützer / mit verwarung der lufft / ents
blößet / also zu der rüwe gebracht / vnd zimlicher
weiß gedeckt werde / Ist mir nit vngesellig Belz
vnd federwat jnen abnehmen / wie dann dise zwey
mehe vngedult / auß vrsachen den geleerten bes
wüßt / den francken zúfügen.

Sieweil aber diser siechtag / wie auß erfarung
erkant / zú merem teyl auff disen zweyen stucken /
als dem lufft vnd schweyß ergründet / vnd darin
nen der grösser irthumb vnd geferligkeyt befun
dē / wirt not sein zú wissen / daß sölicher betzwang
wie dann im niderländischen büchlen / vnd ober
schwerliche vnleidliche gedeckt vnnötig / dann als
leyñ gnug / souil gedeckt dem francken / das er wol
leiden / vñ keyn außwendiger lufft dardurch drin
gē möge / vñ in söliche leger in behaltē / bis im d
schweyß reichlich abfließ / so lang er noch krafft /
natur vnd sterck seines leibs (vnangesehē die zal
der stunden) söliches gedulden mag / vnd also dan
mit truckenen warmen tüchern abgewüschet / in
ein ander sauber newes bett mit gewermtten leis
lachen widerüb gebracht / zú der rüwe gestattet.

Mit dem schlaff aber ist vor allem auff zú mer
cken / das der franck in dem ersten vnd schweyß
bett / darzú keynerley weyß ye gelassen werd / Aber
im andern vnd rüwe bett mag der franck frö

lich eyn stund oder zwo erslich schlaffen.

In dem schwitzbett oder zeiten des schweyß/
ist nutz den francken vor speyß vnd getrenck zú
bewaren/so er sich erhaltē mag/vñ darfür krafft
artzneyen die solche hitz küle/vnd das hertz ster/
cken/gebrauchē vnd in gebē/als Rosen/Borag/
Ochsenzungen vnd seeblümen/larweg/vñ der
gleichen vil in der Apotecken befunden/wo aber
iemandts weiters begert/hab ich dise recept hies
nach verzeyhent zú gebrauchē verordent.

Recipe confer. rosa. borag. bugloß . pomorū
citri conditorū/ ana vnciam me. Spe. electu. de
gemis frigidi scrupulos 2. corall. rub. drag. me
diam/margaritarum scrupulum medium/quin.
que lapi. preciosorum/ana grana 5. misce cum vi
no granatorum q. s. fiat mixtura.

Ob aber dem francken die amacht vnd lust so
groß/mag im wol ein wenig hünere oder fleysch
brüe vnd auch eyn geringer wein mit ochsenzun/
gen oder Saurampfer wasser gemischt/zú ster/
ckung eingeben werden/hierinnen die zarten od
schwachen zúbedencken/dann die not hat feyn ge
setz. Auch nützlich ettliche güte gerüch von edlē
füll gewessern/ als Rossen wasser in schwemmen
oder tüchlin/doch nit zú feucht/dem francken zu
riechen sin halten.

Wennunder almechtig ewig Gott erfristen

vnd sparen wirt / hat sich göttlicher barmherzigkeyt vnd gnaden / vil höchlich zübedanken / soll sich vor zorn / schwerer arbeyt / trübsal vñ sünden / heysen getrencken / vnd speysen / fleyschlicher lüft / vnd aller vberflüssigkeyt eyn güte zeit enthalten / vnd abbrechen / auch sich vor außwendigem lufft / wie in der Franckheyt / mit Fleydung bewaren / Auch außserhalb seinem gemacht / sich in lufft / biß er seine vorige krafft vnd wolmacht widerumb befunde / nicht begeben.

Ob nun aber iemand nach sölicher Franckheit im schlaff oder bett widerumb eyn amacht oder schweyß möcht zükömen / sol nit erschrecken / sinder sich vor dem lufft behüten / den schweyß abstrücken / vnd dem schweyß nit statt geben.

Das ist achtbarn günstige Herrn / das ich E. weißheyt vnd günsten zü eren / vnd yedermeniglich zü nutz / diß mal auff die eyl fürzlich von diser erschrecklichen newen Franckheyt / tröstlicher ermanung auß erfahrung vnd der gelegenheyt nach güter wolmeynung / nicht hab vnangezeygt lassen mögen. Wöllet in bestem auffnehmen / daß euch vnd iedermeniglich auß brüderlichem hertzen / dinst vnd willen züberweysen / allzeit geflissen vnd geneygt. Geben auff den tag des Erzengels Michaels im jar 1529.

Faint, illegible text at the top of the page, possibly bleed-through from the reverse side.

Second block of faint, illegible text in the middle of the page.

Third block of faint, illegible text in the lower middle of the page.

99.9.8/3

#1432171

